

續資治通鑑長編卷五十五

宋 李燾 撰

真宗

咸平六年六月庚申合內員寮三直為一 詔所在官

吏有規避事任交鬪不協故為曠失以幸替移自今察

知並當劾問譴黜以戒澆浮 選舉志在十一月今從實錄與去年九月壬子詔相

類

辛酉詔河北河東陝西轉運使副按行邊陲經度軍費

比之他路甚為勞止其月俸可給實錢

壬戌遣使詣河北河東陝西近郡取器甲羨數徙置沿

邊 發順安軍役卒浚北平寨濠 又以定州蒲陰縣

當高陽關會兵路詔葺其城供奉官閣門祇候謝德權

兼掌其事一日乘傳詣闕求對且言緣邊民庶多挈族入城居止前歲匈奴犯境傅潛閉壘白固康保裔被擒王師未有勝捷臣以爲今歲戎人必寇內地今邊兵聚屯一處尤非便利願速分戍鎮定高陽三路天雄城壁闊遠請急詔感之仍葺澶州北城浚德清軍隍塹以爲備豫上變色曰此大事非爾所當言德權曰臣蒙恩驅策冒萬死求見願陛下留意臣實慮蒲陰工作未訖寇必暴至矣上慰遣之旣而敵果圍蒲陰

丙寅詔陝西諸州疏理繫囚

丁卯以工部員外郎兼侍御史知雜事劉綜爲起居舍人河北轉運使時兩河用兵邊事繁急轉漕之任尤所倚辦綜繼領其職號爲詳練上眷屬甚厚警急之際動

息須其奏處云

先是儋州流人洪湛卒於此州調馬驛湛一子偕行甚幼州以聞湛之被罪也參知政事王欽若亦內自愧於是白於上詔給錢二萬官爲護喪還本貫丁卯因詔命官流竄沒於嶺南者給緡錢聽歸葬其親屬州遣吏部送之

豐州瓦窑沒劑加羅美克等族濟河擊敗李繼遷辛未賜詔獎之

癸酉以莫州團練使楊延朗爲保州威虜靜戎軍沿邊都巡檢使代李繼宣也望都之敗契丹剽略郡縣繼宣壁徐河敵眾數千隊薄威虜威虜魏能與戰走之久而繼宣始至又寇靜戎副使王汀請分兵自將襲賊繼宣

不許雖日出遊騎偵賊勢屢徙寨而未嘗出戰為能及

汀所發乃詔還令樞密院問狀繼宣自西上閣門使康

州刺史責授如京副使汀先領閣門祇候亦坐落職繼宣

等責降在後
日今并書

丙子徙權知天雄軍府西上閣門使孫全照為甯邊軍

部署

丁丑知渭州曹瑋言隴山西延家首領圖卜等納馬立

誓乞隨王師討賊仍請以漢法治蕃部且稱其忠實可

使詔授圖卜本族軍主厚犒設之瑋彬之次子也始繼

遷叛諸將數出無功太宗問彬誰可任者彬以瑋對時

為供奉官太宗召見欲除諸司使知渭州彬固辭乃以

本官知渭州數歲即真屢加閣門通事舍人仁宗實錄
曹瑋年十

九彬為樞密使薦瑋按瑋生於開寶五年壬子卒于天
聖七年己巳年十九時當涪化元年庚寅也彬自太平
興國八年罷樞密使真宗即位乃復入涪化初彬實在
徐州傳載瑋事要亦不詳今且附見當別考尋修正

己卯升石州廳子軍為禁軍先是部署司遣此軍巡警

北平道遇寇踴躍爭進斬捕甚眾故升其軍額以獎之

初緣邊冬衣常以八月送勤州防禦使權殿前都虞候

劉謙言邊城早寒請促以六月詔從之時天武卒有負

債殺人累日發土得尸于左廂都指揮使高翰營上怒

翰失檢察執見于便殿謙即前奏曰翰職在巡邏及教

閱諸軍不時在營本營事宜責軍頭上為釋翰罪謙博

州人也高翰未見

庚辰令京東西河北河東陝西淮南諸縣令知管館驛

使州勿差往它所 威虜軍魏能上言軍士亡入賊境

者卽請沒其妻子爲奴婢上慮其無以自新乃詔先監其家屬限百日招誘限滿不獲實入賊境者其妻子論如法

壬午以威虎十指揮隸虎翼先是邊兵捍寇虎翼多勝蓋用勁弩也時新置威虎皆材勇之士故以增之徙并代鈐轄一員率兵屯岢嵐軍初成嵐州以備北戎控西河或言地非要衝不若徙就岢嵐北拒草城川賊路西援府州故有是命

癸未詔律令具有明文法官不能詳處多以獄情輕重列奏取裁或再令審定卽復更改一成之制豈若是耶自今無得以情理取旨

丙戌徙永興副部署冀州團練使石普爲莫州部署普

獻禦北戎圖掘坑設險以陷敵馬又上戰具銛鋒巨楮

名品非一亦有普嘗用擊賊得勝者云實錄及本傳並云以上以普性剛

復與眾不和故自永興徙莫州按是年六月真宗裁定防秋圖因欲合普以萬人屯莫州乃是選才而用不緣

與眾不協故徙屯也今不取內侍右班副都知閻承翰為定州路

鈐轄代韓守英也

先是三司各置使局不相總統彼此自求充濟以促辦

為務至于出納移用均會有無則專吝封執動相違戾

或交摭利病以邀功希進譁言日聞于上頗煩親決文

符互出莫知適從丁亥始并鹽鐵度支戶部為一使命

刑部侍郎權知開封府寇準為兵部侍郎充三司使復

置鹽鐵度支戶部副使會要云真宗即位三司副使遷它職遂不復置及是乃復置也

以刑部員外郎卞袞領鹽鐵工部員外郎查道領度支

祠部員外郎林特領戶部判使非奏事及有所更張則

止署按檢餘皆本部副使判官主之三司副使自是始

預內朝預內朝據林特傳附見以吏部侍郎陳恕為尚書左丞知

開封府恕在三司前後踰十數年究其利病條例多所

改創其徙它官也嘗薦寇準可用及準至三司即檢其

前後所改創事類為方冊其曉諭榜帖悉以新版別書

齋詣恕第請署恕一一為署之不復辭準拜謝去故三

司多循恕舊貫自準始也魏泰載此事蓋可取然敘陳

準使三司時恕徙它官二年餘矣沈括云世稱陳恕為

蓋自景德中北戎入寇之後河南北羅便之法蕩盡比後

增雖云十喪其九恕在任值北敵講解額至今稱道蓋不虞

之譽也案恕使三司前後踰十年咸平四年正月遂改

北敵講解又妄也

秋七月庚寅詔京朝官任河北路諸州通判鹽場務及幕職州縣官其令選鄉貫在本路歷任無贓罪者充其當入川峽廣南者卽授以邊州

辛卯補原川野狸族首領子阿伊克爲懷化將軍

壬辰令陝西振武兵依河東廣銳例官給直以市戰馬廣銳本州兵官給中金以充馬價而兵人相與立社馬死則共市而補之公私咸便振武兵願從其例因而許焉

壬寅詔北面諸軍有因事棄鎧甲兵仗而劫奪他人所有以償之者委隊長覺察告官當行嚴斷不告者連坐上以北戎入寇將議親征癸卯命司封郎中欒崇吉自京至鎮定檢視行宮頓遞

甲辰復并三司鹽鐵度支戶部勾院爲一命著作郎直
史館陳堯咨兼判之從堯咨所請也

丙午詔軍士因將校科責挾恨訴訟推勘虛妄者並禁
錮奏裁先是上謂近臣曰累有人言軍士不畏將校蓋
不逞之徒自爲過惡及被懲罰卽掎摭訴訟請行極斷
使不復然朕熟思之如此處分恐亦未當蓋近者繼有
訴訟驗問皆將校不法若遽加嚴刑不復省報它時或
遂結成禍逆因莫敢告發則所繫非輕矣故有是命上
又曰近復有告將校斂軍士緡錢賂樞密院吏請求出
軍及屯戍等事洎合鞫實皆小人託名規財耳致軍士
枉有費用遂成貧乏因踰越以陷罪戾雖累行禁止猶
未斷絕可再詔諭諸軍朝廷所發師旅皆先進入兵籍

朕躬自黜定所去之處非可請求貴其稟信不犯刑辟也

己酉契丹供奉官李信來歸信言其國中事云戎主之父明記號景宗后蕭氏轄里宰相之女凡四子長名隆緒卽戎主次名贊僞封梁王今年三十一次名郭密僞封吳王年二十五次名鄭哥八月而天女三人長曰英格年三十四適蕭氏弟北宰相留珠格僞封駙馬都尉次曰長壽努年二十九適蕭氏姪東京留守伯葉又次曰延壽努年二十七適伯葉母弟克圖延壽努出獵爲鹿所觸死蕭氏卽縊殺克圖以殉葬蕭氏有姊二人長適齊王王死自稱齊妃領兵三萬屯西鄙驢駒兒河嘗閱馬見蕃奴達蘭阿巴姿貌甚美因召侍帳中蕭氏聞

之繫達蘭阿巴扶以沙囊四百而離之踰年齊妃請于蕭氏願以爲夫蕭氏許之使西捍塔剌盡降之因謀帥其眾奔瓜爾佳國結兵以篡蕭氏蕭氏知之遂奪其兵命領幽州次適趙王王死趙妃因會飲寘毒蕭氏爲婢所發蕭氏酖殺之蕭氏今年五十自景宗死領國事自稱太后國中所管幽州漢兵謂之神武控鶴羽林驍武等約萬八千餘騎其僞署將帥契丹九女奚南北皮室當直舍利及八部落舍利山後四鎮諸軍約十萬八千餘騎內五千六百常衛戎主餘九萬三千九百五十卽時入寇之兵也其國境自幽州東行五百五十里至平州又五百五十里至遼陽城卽號東京者也又東北六百里至烏惹國其國用漢文法使印八角而圓之又東

南接高麗又北至女真東踰鴨綠江卽新羅也以信爲

供奉官賜器幣冠帶

實錄契丹附傳以隆緒爲梁王而不載其弟所封國名正傳則以隆

緒爲常王未知孰是當考或常字誤

知全州錢絳請招誘溪洞酋豪上

曰西南蠻唯全州一境久已安靜不宜以虛名生事也

錢絳未見

癸丑武甯秦甯節度使太保兼中書令兗王元傑薨追

封安王諡曰文惠元傑穎悟上特所友愛翊善考功郎

中姚坦性木強固滯喜直諫太宗嘗獎焉王稍佚豫坦

卽醜言詆訐王頗薄其爲人坦由是益暴揚其惡上嘗

戒坦曰元傑知書好學亦足爲賢王矣少不中節亦須

婉辭規諷況無大故而詆訐之豈裨贊之道乎它日坦

爲衛尉少卿判吏部南曹因事得對上以其舊人召升

殿與語坦言及故府意短諸王而稱已之敢言坦退上謂近臣曰坦在宮邸不能以正理誨諭事有微失則從而揚之此賣直取名耳 知通進銀臺司校門下封駁事王嗣宗言京朝官受差遣者其中有苛刻踰違犯法虐民之人倘朝廷未能審察臣等復不能舉駁深非沮勸之道乞今後風聞濫狀許臣於審官院取索家狀案其由歷如得事實特許上言從之

八月癸亥右諫議大夫史館修撰田錫言國家自先帝平晉之後與強敵結隙將相舊人相次薨謝邊鄙州郡屢為強敵所陷皇威不振久矣時議乃以將相無人亦久矣即不知今來朝廷公卿大夫間有如韓擒虎與李靖論兵否有人如牛宏知李靖有王佐才否若有人能

論兵有人負王佐才未審陛下知之否有人善論兵有人負王佐才乃是帝王合先知之自來皇城司差人探事又別差探皇城司探事人如此察探京城民間事事無巨細皆達聖聰近又差朝臣爲巡撫使及差朝臣以提點酒稅名目出外採訪採訪之事不過民間利病不過官吏能否而已卽未聞委公卿大夫察訪善論兵之人詢求有王佐之才者也由是見所求者瑣屑而所忽者遠大陛下若以宗社爲憂以生民爲念卽宜以遠大爲務求將相爲急也

錫自注云咸平六年八月六日奏此

丙寅命樞密院承旨曹璨捧日天武四廂都指揮使劉謙分往諸營疏導積水其居室未葺者以近便園苑分官舍處之